

**Naalakkersuinikkut Ataqtigiissaarisoqatigiit ataasingornermi 9 december 2013 nal 08:30
ataatsimiinneranni imaqarniliaq.**

Sumiiffik, Naalakkersuisut tusagassiisarfia, oqarasuaatikkut.

Kommunini ilaasortat:

Kommune Kujallermi borgmesteri Jørgen W. Johansen, Kommuneqarfik Sermersuumi borgmesteri A sii Ch Narup, Qeqqata Kommuniani borgmesteri Hermann Berthelsen, Qaasuitsup Kommuniani borgmesteri Ole Dorph.

Kanukokami ilaasortat:

Siulittaasoq Martha Abelsen.

Naalakkersuisuni ilaasortat:

Aningaasaqarnermut Nunamullu Namminermit Naalakkersuisoq Vittus Qujaukitsoq, Inuussutissarsiornermut Aatsitassanullu Naalakkersuisoq Jens Erik Kirkegaard, Ilinniartitaanermit, Kultureqarnermut, Ilisimatusarnermut Ilageeqarnermullu Naalakkersuisoq Nick Nielsen, Peqqissutsimut Attaveqarnermullu Naalakkersuisoq Steen Lynge.

Aalajangeeqataasinnaanatik peqataasut:

Kommunaldirektøri Lars Lennert Sandgreen

Naalakkersuisoqarfimmi pisortaq Svend Hardenberg, Naalakkersuisoqarfimmi pisortaagallartoq Peter Hansen, Naalakkersuisoqarfimmi pisortaq Susie M Kjeldsen, Naalakkersuisoqarfimmi pisortaq Jørn Skov Nielsen, Naalakkersuisoqarfimmi pisortaagallartoq Olafur Nielsen.

Immikkoortortaqarfimmi pisortaq Hans-Erik Bresson, Naalakkersuisup allattaa Aviâja Mørch Amondson, Naalakkersuisup allattaa Marthannguaq Rasmussen, allaffimmi pisortaq Marianne Petersen (imaqarn.)

Direkøriugallartoq Karl Davidsen

Peqataaangitsut:

Naalakkersuisut Siulittaasuat Aleqa Hammond, Aalisarnermut, Piniarnermullu Naalakkersuisoq Karl Lyberth, Ineqarnermut Naalakkersuisoq Siverth K Heilmann, Avatangiisinut Pinngortitamullu Naalakkersuisoq Kim Kielsen, Ilaqtariinnermut Inatsisinillu Atuutsitsinermit Naalakkersuisoq Martha Lund Olsen,

Oqaluuserisassat:

- 1. Oqaluuserisassat akuerineqarnissaat.**

Akuerineqarput.

- 2. Kingullermik ataatsimiinnermit imaqarniliap akuersissutigineqarnera (Ilanngussaq 1)**

Akuerineqarpoq imatut aaqqiissuteqarfigalugu: Steen Lynge oqarpoq, imaqarniliami oqaluuserisaq 5-imut atatillugu peqqinnissaqarfimmi suliaasatigut akisussaaffiit eqqarsaatigalugit kommunit Namminersorlutillu Oqartussat akornanni akisussaaffimmik avitseqatigiinnissaq pillugu oqaaseqaammik ilanngussisoqartariaqartoq. Nassuiaasiornermut atatillugu inassutigineqarpoq suliaqarfik erseqqinnerusumik misissuiffigeqqinnaarneqassasoq, tassa kommunit Namminersorlutillu Oqartussat ataatsimoorlutik suliaasaqarfimminnik siunissami isumaginnittarnissaat pillugit arlalinnik inassuteqaasiornissaq eqqarsaatigalugu. Innuttaasut qitiutillugit ataatsimoortumik isumalluutit pitsaanerpaamik atorineqassapput.

Asii Ch Naruppittaaq kissaatigaa qupperneq 1-itimi immikkoortoq kingulleq iluarsineqassasoq, tassa "20 mio kr.-t qanoq agguanneqarsimanerat" erseqqissumik oqaasertalerneqassasut.

3. Nassuiaatip naammassillugu suliarineqarnerata, Suliassat allattorsimanerisa, Nassuiaatip tusarniaassutigineqartullu akuersissutigineqarnissat, (Ilanngussaq 2)

Akuerineqarput. Arlalinnit oqaatigineqarpoq, innuttaasut suliffeqarfiillu iliussissatut pilersaarutit suliareqqinneqarnerinut ilaatinneqartassasut, tassa taakkununga suliat attuumassuteraangata.

4. Missingersuutit suleqatigiissutigineqarnissaannut isumaqatigiissutissatut missingiut

a) Missingersuutit suleqatigiissutigineqarnissaannut isumaqatigiissutissap akuersissutigineqarnera (Ilanngussaq 3)

Tusarniaassutigineqarnissaa kingusinnerusukkullu Naalakkersuinikkut Ataqqatigiissaarisooqatigiinni suliarineqarnissaa siunertaralugu akuerineqarpoq. Piffissamut ungasinnerusumut aaqqiissutissatut siunnersuutit aningaasanut inatsimmik kommunillu missingersuutaannik tapersiisut tamanit taperserineqarput.

Missingiut juulli pissutigalugu sapaatit akunnerinik arfinilinnik piffissalerlugu tusarniaassutigineqarpoq. Tullissaanik naalakkersuinikkut ataqqatigiissaarisooqatigiit 22 januar 2014-imi ataatsimiinnissaannut iluarsisamik isumaqatigiissuteqassaaq.

5. Iliussissatut pilersaarummik eqqartuineq (nassuiaammi kap. 9.)

a) Misissueqqissaarnerup malitseqartinneqarnissaannut akissuteqaataasut (oqaatsitigut)

Pisortat ingerlatsineranni pisariillisaalluni suliaqaqqinnermi atugassamik misissueqqissaarnissat tapersersorneqarput. Atortussat suliareqqinneqarnissaat pisariaqartinneqarpoq, tassa siunissaq eqqarsaatigalugu pisortat sakkutut atortarniassammatigut. Kommunini Namminersorlutillu Oqartussani pisariillisaanerit sulissutigeqqinneqarput.

b) Naligiissaarinissamut ataatsimoortumillu tapiissutinut ilusissat suliarineqarnerat (Ilanngussaq 4)

Piumasaqaatit piviusut aallaavigalugit nutaamik ilusilersuinissaq pisariaqartoq isumagatigiissutaavoq. Kommunit tusarniaanermut akissutaat ilusissat suliareqqinneqarnerannut ilanngunneqassapput aqutsisoqatigiinnilu oqaluuserineqassallutik. Siammasissumik tunngaveqarluni naligiissaarinissaq kissaatigineqarpoq. Asii C Naruppiq oqaatigaa isertitassat kisiisa isiginagit aamma kommunit aningaasartuutaat Namminersorlutillu Oqartussat ingerlatseqatigiiffiutaasa pingaaruteqarnerat

ilanngunneqassasut. Suliap Naalackersuinikkut Ataqqatigiissarisooqatigiinni oqaluuserineqarnissaa sioqqullugu tamatuma eqqarsaatigeqqinneqarnerani ilaatinneqarnissaa isumaqatigiissutaavoq.

c) Aaqqiussuseqqinnissap ilusissaata naliliivigineqarnisaanut suleqatigiit suleriaasissaannik akuersissuteqarneq (Ilanngussaq 5)

Nalilersuinissaq piaarnerpaamik aallartinneqassaaq. Siunertaavoq UPA 2014-imi killiffik pillugu nalunaarusiamik tunniussinissaq. Suliap suliarineqarnera 2014-ip naaneranut ingerlanneqassasoq naatsorsuutigineqarpoq, taamaalilluni inaarutaasumik naliliineq kommunalbestyrelsini oqaloqatigiissutigineqarsinnaassaaq malitsitullu inatsisitigut suliniutaasinnaasut UPA 2015-imut ilanngunneqarsinnaallutik. Naliliinerup malitsigisaanik naalackersuinikkut aalajangiinerit 2016-imi atuutsinneqalersinnaapput.

Suliassat allattorsimaffianni erseqqissarneqassaaq naliliinermi nunaqarfinni aqutsisut ajornartorsiutigisaasa ilanngunneqarnissaat.

Suliassat allattorsimaffiat sapaatit akunnerini arfinilinni tusarniaassutigineqassaaq, 22 januar 2014-imilu ataatsimiinnermi inaarutaasumik akuersissutigineqassalluni.

Pissusiviusunik tunngaveqarluni nalilersuinissaq suliarinnittussarsiuunneqassaaq. Oqartussaaqataanermut tunngasortaa Ulrik Kjærip Ilisimatusarfimmik suleqateqarluni aaqqiissuteqarfignissaaq naatsorsuutigineqarpoq. Maannakkorpiaq tamanna oqaloqatigiissutigalugu aallartinneqareerpoq.

d) Sanaartornermut tunngasuni immikkoortunut pilersaaruserneq (Ilanngussaq 6)

Tusaatissatut tiguneqarpoq. Missingersuutit suleqatigiissutigineqarnissaannut isumaqatigiissummi piffissaq ungasinnerusoq isigalugu periarfissat pillugit oqaluuserisaq 4 taperserpaq.

e) Suliassanik ingerlatsinissaq pillugu allakkialiaq (Ilanngussaq 7)

Suliassat tunniunneqarnissaasa killiffiat aqutsisoqatigiisimasuni oqaluuserineqarsimasoq pillugu Namminersorlutik Oqartussanit kommuninillu misissorneqarsimasoq allakkiatigut malitseqartinneqarpoq. Allakkialiaq naleqqussarneqarpoq 22 januar 2014-imilu oqaluuserisassanngorlugu saqqummiunneqassalluni. Tamanna sioqqullugu Naalackersuisooqarfiit suliaqarfiinni ataasiakkaani ajornartorsiut tusarniaassutigineqassaaq. Kommunit iluatsillugu taamatut iliorsinnaapput.

f) Suliniutinut annertuunut kommuninut Namminersorlutillu Oqartussanut kinguneqaataasinnaasut

Suliap killiffia pillugu suliaqarfimmi Naalackersuisut ilisimatitsipput. Suliaqarfimmi suliassarpassuarnut kommunit Namminersorlutillu Oqartussat peqataanissaat pingaaruteqarpoq. Suliniutinik taakkunannga inuiaqatigiit pitsaanerpaamik pissarsitinniarlugit ataatsimut isumalluutik atorineqassapput. Pisortat nunamilu namminersorlutik suliaqartut arlaannaataluunniit suliassat tamaasa maannakkut naammassisinnaanngikkaluaraat, siunissaq eqqarsaatigalugu ataatsimoorluni suliassaavoq Kalaallit Nunaata suliassamik sapinngisamik kivitsisinnanissaa.

Ingerlatseqatigiiffiit Kalaallit Nunaanni suliaqarusuttut siunnersortinik najukkami pissutsinik ilisimasaqarluartunik atuinissaannik peqquneqartariaqarput, tassa suliniutinut annertuunut tunngatillugu avataanit siunnersortit suliaqarsinnaatinniarnernut isumalluutinik asuli atuisoqannginniassammat.

Naalackersuinikkut ataqatigiissaarisut tulliani ataatsimiinneranni sammisaq oqaluuserineqassaaq. Tamatumunnga tunngatillugu allakkiaaq ajornartorsiutinik, taakkununnga ilanngullugit IBA-mik isumaqatigiissutinik suliaqarnermik aamma kommunit Namminersorlutillu Oqartussat aqutsinerinut sunniutaasussanik nassuiaatitalik suliareqquneqarpoq.

g) Piginnaatitaanernik qulaajaasariaqarnek pillugu misissueqqissaarneq

Oqaluuserisaq aqqissuussaaniikkut aqqissuusseqqinnerup nalilersorneqarnerani ilanngunneqarpoq. Aningaasaqarnermut Nunamullu Namminermt Naalackersuisoqarfiup tamatumunnga ingerlatsineq, tassunga ilanngullugu piginnaatitaanermi qulaajaanermi sullinniakkanik killiliineq kingusinnerusukkullu piginnaanngorsaanissamut pilersaarusiornissaq pillugit KL aamma KANUKOKA oqaloqatigai. Naatsorsuutigineqarpoq 22 januar 2014-imi ataatsimiinnissamut isummernissamut tunngavissiaq piareersimassasoq. Oqaatigineqarpoq isumaginninnermut tunngassuteqartut immikkut ukkatarineqartariaqartut. Kommunit kissaatigaat suliap ingerlateqqinneqarneranni toqqaannartumik ilaatinneqarnissartik. Tamanna allanneqarpoq.

h) 2014-imi nunaqarfiit ataatsimeersuartinneqarnissaat pillugu ilisimatitsissut (Ilanngussaq 8)

Ilisimatitsissut tusaatissatut tiguneqarpoq. Nunaqarfimmi umiarsuarmiluunniit ataatsimeersuarnerup ingerlanneqarnissaaanik kissaateqartoqarpoq. Tamannali siunertarisat ilaannut unamminarsinnaavoq. Ataatsimeersuarnissaq UPA 2014-ip naammassineqarnissaanut naatsorsuutigisat inissinneqariapat piffissalernerqassaaq.

6. Taasariaqartut allat – tullissaanik ataatsimiinnissap aalajangerneqarnera

Tullissaanik ataatsimiinnissaq Nuummi 22 januar 2014 nal 08:30 pissasoq aalajangiunneqarpoq. Kommuneqarfik Sermersuumit oqaatigineqarpoq, piffissami aggersumi suliaasarpasuit eqqarsaatigalugit maannakkut siunnersortinut sanilliullugu avataanit siunnersortit amerlanerusut psiariaqartinneqarsinnaasut.